



DOOLAHAT JUMBA (CLUSTER) KER REPORT

Michael Topno,(HK): Doolahat cluster mein 7 tho' SHG banal gelak 1) Jeevanjyoti 2) Moromi 3) Heoji 4) Jyoti sonapur ker gaon mein banlak aur doolahat mein tin tho 1. Bir Birsha munda 2.Jyoti 3. Rashmi. Chief Coordinator Michael Topno, women coordinator Sangeeta Tete, volunteers Bharsi Surin aur Joachim Topno e man ker aguai se group banlak. 9.3.12 tarik dina Plantation Labour act ker bare mein gomkein Mary Virginia Topno bagan ker paristithi ke lei ke 40 jhan ker majhe batalak. 20.3.12 tarik dina sonapur gaon mein food security meeting holak aur e kar mein sarkar 9 tho samajik suruksha ain pas kair he seke details mein bakhan karlain Michael Topno aur Ajay Dahanga saheta karek ai rahe. Oo din 40 jhan jama rahain. Sangeeta Tete kahlak, "sarkar hamar lagin bahut rakam ker subida kair dewathe, hamre eke sange mil ke leboi hole hamar ker unati hoi, ne hole anewala pi'dhi man hamre ke dusbain." Gaon ker mukha mukha man kahlain PAD sanstha acha kam karothe, ee ke saath deboi. 14.03.12 tarik Student club bhi gathan holak. 16 jhan student lei ke gathan holak jaha president- **Martin Surin** sectary **Joachim Topno** holak.

ADIVASI PAD`AIYA MANAK DERA KER LITERACY CAMPAIGN ME SOBHE BHAG LEWA.

ADIVASI CHUA MAAN KEO ANPAD` NI RAHAB. PAD`AB LIKHAB , SAHAB BANAB.

ANANDA CLUSTER KAR Khabar

Sameer Dhanwar(HK): Gelak 1 tarik mein 27 line mein education ker lagin literacy campaign cinema dekhaik holak, jekar me 150 jhan admi man upasthit rahain aur 5 March me Pthalipam me ekthu free health camp karal holak, jekar me 200 se besi admi manker checkap karal holak sange sange dawai bhi dewal holak. Ee health camp ke pai ke anait kusi holain. March ker 12 tarik me Anada aur Pthalipam kar mahila manak oonati lagin ekthu mahila sangath`an banal holak jekar me 100 jhan se bhi bagra mahila maan bhag lelai, ee mahila maan ke utshah dek lagin hamar AASAA ker central committee ker dui jan gomke Rejan Horo aur Joseph Minj upasthit rahain.March mahina mein 12 tho`u SHG ker jagrity sabha karal holak aur 6 tho`u SHG gathan holak. 24 tarik 27 no line mein VCPC(Village Child Protection Committee) ker jagrity sabha karal holak.



Ananda Kapra line me APD(studen club) ker program.



CHAHA BAGAN LINE ME ANGAN BADI CENTRE DEWEK LAGI AUR BAGAN KER ADIVASI MAHILA KE HUAN CHAKRI DEWEK LAGI



WIL (HK).Adivasi Mahila maan sarkar t`in apan maang rakhlain. Gelak 8 march tarik dina Kasipathar ker Akhra me mahila maan ker diwas maanal gelak. Karib 150jhan Mahila maan bhag lelain. Meeting ke Gomkein Purnima Dhan sabha netri karlak. Sabhame Janubasti ker our rajgarh ker mahilamaan naach geet karlain. Meeting me Adivasi mahila maank samasya maan ker oopre baat bichar karal gelak aur akhir me All Adivasi women Association of Assam ker Lakhimpur jila samity banal gelak. AAWAA lakhimpur jila ker Sabha netri hisab se Gomkein Purnima Dhan our Sampadak rup me Gomkein Sangeeta Tete ke chunal gelak. AAWAA ker 25 jhaniya kamiti banal gelak.Eekar pache AAWAA ker Ananda ilaka ker meeting gelak 11 tarik ke holak. Meeting me Bagan ker mahila maan ker aur chawa maan ker

bisay me bichar karal gelak. Bagan ker line maan me Angan wad`i centre maan nakhe aur hamar chawa maan sarkar se kono ni pawathain sele ekhan chaha bagan me angan wadi centre howek chahi aur huwan hamar Adivasi Mahila maan ke chakri milek chahi. Mahila maan ee bisay me sarkar ke dabi janaek le meeting me sidhant lewal gelak. Mahila maan doi ber Boginadi block jai rahain magar ekhno umaanak application ke officer grahan ni kair he sele mahila maan DC thin jaik le soch bichar kara thain. Ananda ker sabha netri Gomkein Binandi Dhanwar batahe ki sarkar ker officer maan hamar mahila maan ke bujhek lai kosis karok nai to hamre andolan karekle baidho hobai. Hamre sobhe hamar mahila maan ke sanghraik lai teyar rahek hoi. Hamre AAWAA ker sobhe kam me madait karek le kosis karab.



Wilson in Delhi CNI Bhawan presenting Adivasi situation in assam



Action Aid Patners meeting me Sangeeta Tete aur Binandi Bagh Guahati Bosco Reach out me.

AKARABASTI JUMBA (CLUSTER) KER KHABAR

Soudagar Sing Gorh (HK): Akarabasti cluster me sponsorship chhua man muth 279 jhan ahain 8 tho'u gaon se sponsorship chhua lewal jahe oo gaon man heke 1. Gumnadi 2. Pratapgarh 3. Dirgha lilabasti 4. . Dirgha maj gaon 5. Mori dirgha 6. Kadam Tengabasti 7. Puthimari 8. Akarabasti. Ee gaon mein child messages(CM) collection karal hoi jahe. Ee bar bahut chhua man apan apan protibha man ke CM hok ya to blank paper me aikh ke dekhui hai. CM collection karek samai gaon ker aur aur chhua man sobhe akhek me jor dar bhag lelai. Gaon ker kisu man purkh mahila CM collection karek me bahut madait karlai. Child centric program me bhi chhua man bahut jor dar se bhag lai rahai. Adivasi man ker mati miyandi karek ker lagin awareness dewal jathe aur anewala April mahina ker 21 tarik me badka meeting rakhai jahe. Sehe Dina mati miyadi karek ker application dewak ker din awe mahina 28/29 tarik me boginadi block bhitre AASAA ker badka sabha tharal jahe jaha Laxmi Oraon bhag lewai.



Adhoc. committee of Lakhimpur District AAWAA.

GADI KINEK KHOJISH HOLE !

Hamar PAD ker staff Michael Motorcycle aur Wilfred Gar'i kinlak. Duio Jhan instollment me kin hain. Aij kail installment me Gar'i, Motorcycle aur dosar bastu maan bhi sahaje kinek paraila. Aij kail dheir finance company maan ahain. Je maan Gari aur motorcycle kinekle finance (Paisa dewena)karena. Finance company maan sudh (intrest) me paisa dewena. Finance company se loan pawek le hole tor apan th'in bhi thora paisa howek chahi. Gadi chahe motorcycle ker 25% se 30% Kimat (face value) toke down payment dewek hoi. Agar gari ker dam (kimat) 60,000 taka ahe hol uke toi 15,000 taka me kinek parbe(bilag bilag company ker down payment bilag bilag percentage rahela).

Dhair de hamre TATA NANO kinek khojathi TATA Finance bat le kinal se 25% down payment karek hoi. TATA NANO ker dam 1, 20,000 Taka hoi. Hamre ke down payment karek hoi (120,000/100X25=)30,000taka. to hamre ke 30,000 Taka me TATA NANO mil jai.

Finance company maan se loan pawek le hole niche ker dastabej maan th'ik rakhek hoi.

1. Bank account running condition (6 mahina ker bank transaction dekhek khojena.) Bank pass book ker photo copy dewek hoela.
2. Bank cheque (11to 21 copies)
3. Photo Identity card.(Panchayat president se legal se bhi hoi)
4. Pan Card.
5. Passport size photo(6 copies)
6. Land document (permanent residence)
7. salary certificate.(Government job ahe hole)

Guaranter ker bhi upre rahal document sob dewek hoela.

Wilfred bataila ki- "Ecco Maruti Van kinek me(mor Gharni ker 2.80 lakh taka Bank loan ker account se) 180,000 Taka Down payment delon aur 180,000 Taka SRIRAM FINANCE se loan lewek holak. Ekhan moke mahina 6000 taka installment dewek hoi. teen bachar lai, jeke moi aram se dewek parbo." Toi bhi gari kinek parbe.

ADIVASI ADHIKAR EVAM ASMITA ABHIYAN KER RASTRIYA BAAT CHIT

Prakash(HK):Delhi me March mahina ker 27th se 29th tarik me howal Adivasi Adhikar Evam Asmita Abhiyan ker Rastriya Baat chit me PAD ker staff man bhag lewen. E baat chit CNI Bhawan me howel. E Rastriya baat chit ke Synodical Board of Social Services(SBSS)_CNI aayojan kair rahe. Assam se dus jhan Adivasi bujur man jai rahain jekar me DBSS ker Director Rev. Pradeep Kawah, AASAA ker President Raphael Kujur, AASAA ker Organising Secretary Rejan Horo, Assam ker Icon Miss Laxmi Orang, PAD se Wilson Hasda, Godfrey Hereh aur Prakash Lakra aur dosar man rahain. E Baat chit me Jharkhand, Pachim bangal, Maharashtra aur dosar dosar raj se hon bad'ka Bad'ka adivasi bujur maan bhag lei rahain. E baat chit me bises rup se Assam ker adivasi manak samasya man kar oopre charcha holak aur oo samasya man ke kaisan suljhaik parai se bisai me ho baat chit holak. SBSS_CNI ker chief Dr. Sailendra kahlak j hamre sob maan k nawa soch bechar aur tarika se kam karek howi jekar me sob maan ker sahajogita howek lagi.



Laxmi Orang at Delhi CNI Bhawan



ADIVASIYA SCHOOL JANUBASTI

Adivasiya School Janubasti ker chua maan ekhan purana school building me class karo thain. Oomaan le ekthu school ghar ker darkar howathe. Aoi mahina takle nawa school banaek le soch bichar calathe. Kitab maan bhi aoi mahina takle nawa print karek le bichar karal jathe. Hamre sobhe milke school ke aguwai ke legek le kosis karboi.

CORRESPONDENCE ADDRESS:-
HAMAR KHABAR
PAD field office, Ananda
P.O. Pathalipum, Lakhimpur (Assam)
email: padassam@gmail.com
Website: www.padvision.org,



Wilson Hansda (Deputy Director, PAD) presenting PP of PAD in Patners meeting Ghy on 4th April